

93

26. júní

13. gr.

Félagsmönnum og öðrum, er á félagssvæðinu búa, er óheimilt að hafa með höndum ádráttarnet fyrir lax eða silung, nema þeir sanni, að þau eigi að nota í vatni utan félagssvæðisins. Hafi félagið félagsveiði með höndum, skulu þau öll merkt merki félagsins.

Um veiði til klaks og vísindalegra rannsókna fer eftir gildandi lögum.

14. gr.

Brot gegn samþykkt þessari varða allt að 1000 kr. sektum, er renna í sýslusjóð, og öll veiðarfæri og veiði gerð upptæk.

15. gr.

Samþykkt félagsins verður aðeins breytt á aðalfundi ef $\frac{2}{3}$ fundarmanna samþykkja breytinguna, sem sé birt í fundarboðinu.

16. gr.

Nú þykir æskilegt að slíta félagsskapnum og er það þá heimilt, ef tveir löglega boðaðir fundir, hvor eftir annan, samþykkja með $\frac{2}{3}$ atkvæða félagsslitin. Skuldum og eignum félagsins á þeim tíma skal jafna niður á félagsmenn eftir gildandi gjaldskrá.

17. gr.

Það, sem ekki er tekið fram í samþykkt þessari, skal fara með eftir gildandi lögum.

Samþykkt þessi staðfestist hér með samkvæmt lögum nr. 61 23. júní 1932 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 26. júní 1941.

F. h. r.

Vigfús Einarsson.

Gunnl. E. Briem.

94

26. júní

A R Ð S K R Á

fyrir Veiði- og fiskræktarfélagið Leirvogsa í Kjósarsýslu.

Arðinn ber að telja í 1000 einingum, er skiptist þannig:

| | |
|-----------------------|-------------|
| Víðines | 16 einingar |
| Fitjakot | 104 — |
| Varmidalur | 110 — |
| Norður-Gröf | 85 — |
| Pveráarkot | 16 — |
| Hrafnhólar | 144 — |
| Skeggjastaðir | 144 — |
| Minna-Mosfell | 22 — |
| (Stóra) Mosfell | 16 — |
| Hrisbrú | 85 — |
| Leirvogstunga | 218 — |

| | |
|-----------------|-------------|
| Helgafell | 16 einingar |
| Varmá | 10 — |
| Lágafell | 14 — |

94

26. júní

Samtals 1000 einingar

Arðskrá þessi staðfestist hér með samkvæmt lögum nr. 61 23. júní 1932 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 26. júní 1941.

F. h. r.

Vígús Einarsson.

Gunnl. E. Briem.

REGLUGERÐ

95

30. júní

um breyting á reglugerð nr. 10 16. febr. 1929, um eftirlit með verksmiðjum og vélum.

1. gr.

Aftan við fyrri málsgrein 2. gr. komi ný málsgrein, er orðist svo:

Hver sá, sem selur vél, hvort heldur er kaupmaður eða vélsmiðja, sem hefur smíðað hana, skal tilkynna skoðunarmanni sölua. Skal tilgreina smíðjuheiti, smíðarár og smíðanúmer vélar. Taka skal fram til hvers á að nota vélina og hve mörg hestöfl hún er, ef um aflvél er að ræða.

Ársfjórðungslega skulu rafmagnsveitur tilkynna skoðunarmanni hverjar breytingar verða á rafhreiflum, sem straum fá frá rafstöðinni. Tilgreina skal verksmiðjuheiti, stærð og númer hvers hreifils, sem settur er upp og tengdur við straumkerfi veitunnar eða tekinn niður.

Eigandi eða stjórnandi fyrirtækis skal þegar tilkynna skoðunarmanni allar þær breytingar, sem gerðar eru á fyrirkomulagi véla eða húsa fyrirtækisins. Enginn má taka í notkun nýuppsetta vél eða eldri vél, sem hefur verið færð úr stað eða breytt, nema hann hafi til þess fengið leyfi skoðunarmanns.

2. gr.

Aftan við 5. gr. komi ný málsgrein, er orðist svo:

Beitingu á línu og fiskþvottur framkvæmist á tímabilinu 1. nóv. til 1. apríl innanhúss eða í lokuðum skýlum. Á vinnustöðvum, þar sem því verður við komið án mjög mikils tilkostnaðar, skulu slíkar vinnustofur hitaðar, svo að frostlaust sé, og ylja þar vatn til fiskþvotta, svo að það sé ekki kaldara en 8° C. Vinnustofur til beitinga og fiskþvotta, sem gerðar eru eftir að ákvæði þetta gengur í gildi, skulu vera með umbúnaði til upphitunar á vinnustofu og þvottavatni.

3. gr.

Á undan síðustu málsgrein 10. gr. komi tvær nýjar málsgreinar, er orðist svo:

Á vinnustöðvum, þar sem verkamenn klæðast sérstökum vinnufötum, skulu vera læstir fataskápar.

Verkamönnum skal séð fyrir hæfilega mörgum þvottatakjum, þar sem svo hagar til, að verkamenn svitna mikið eða verða fyrir miklum óhreinindum vegna vinnunnar, skulu þeir eiga kost á heitu steypubaði ef vinnustöðin hefur heitt vatn til umráða og baðumbúnaði verður komið fyrir án verulegs kostnaðar.